

Hmong

Daim ntawv sau qhia txog qhov Tseeb 1 Kev nkag siab txog txojkev muaj mob Xiam Oob-khab nyob Australia

Daim ntawv qhia qhov tseeb no yog lub tsev AMPARO Advocacy ua tus tsim sau thiab tau muab txhais ua ntau yam lus qhia rau cov neeg tuaj lwm tebchaws kom lawv paub txog cov kev muaj mob xiam oob-khab (disability).

1. Kev muaj mob xiam oob-khab yog dabtsi?
2. Kev muaj mob xiam oob-khab nyob Australia
3. Cov kev muaj mob xiam oob-khab
4. Nrhiav kev pab thaum nyuam qhuav pib mob
5. Nrhiav cov kev pab uas koj xav tau txais
6. Yuav mus nrhiav kev pab nyob rau qhov twg
7. Kev pab uas tau txhim kho tshiab rau cov mob xiam oob-khab
8. Xav tau neeg txhais lus
9. Kev pab cev ncauj-lus



1. Kev muaj mob xiam oob-khab yog dabtsi?

Tus tibneeg muaj mob xiam oob-khab yog ib tug uas yuav saib-xyuas nws tus kheej tsis tau xwsi mus tsis tau kev, tsis hnov lus losyog qhov-muag tsis pom kev zoo losyog cim xeeb tsis zoo, tsis nco tom ntej tom qab thiab lub hlwb kawm tej yam tshiab tsis tau li.

Tus mob **Xiam oob-khab** yog tshwm sim los ntawm tus neeg tau muaj mob nyhav, raug tsheb los yog lwm yam khoom tsoo sab, raug kev nyuab-siab, raug kev tsim losyog yug los ces yeej muaj tus mob nrog los. Tus mob xiam oob-khab disability yog ib yam mob uas yuav mob mus ntev, yuav kho tsis txawj-zoo thiab tejzaum qho tus neeg yuav mob mus tas nws ib sim neej. Nws tsis yog ib tug mob uas yuav mob mus li ob peb lub hlis ces yuav txawj zoo losyog zoo li tej pob-txha nyob hauv lub cev uas txawj dam ces yuav txawj zoo.

Cov neeg muaj mob yuav muaj lub peevxwm ua tau thiab tsis tau los yog, los ntawm saib cov neeg nyob ib ncig ntawm lawv xav thiab saib lawv lub cev puab ncig, xwsi saib lawv txav licas thaum lawv nyob hauv lawv vaj lawv tsev, hauv chaw ua haujlwm losyog hauv zos thiab seb puas pom lawv mus siv cov tsheb ntiav public transport thiab seb cov tib haiv neeg nyob ntawm lawv lub zos ntsia lawv li cas.

2. Kev muaj mob xiam oob-khab nyob Australia

Cov neeg mob xiam oob-khab nyob rau Australia muaj cai thiab muaj peevxwm ua tau txhua yam li txhua tus pejxeem hauv tebchaws. Piv-txwv li, lawv muaj cai tau txais kev hais-lus saib-siab, kev kawm ntawv thiab kev ua haujlwm, kev xaiv thajchaw nyob thiab lub neej ntawm lawv nyiam.

Cov neeg mob xiam oob-khab muaj peevxwm ua tau lub neej txhua yam rawsli lawv txojkev npau-suav thiab txhawb pab lawv haiv neeg tsis txawv ntawm lwm tus. Lawv muaj kev txawj-ntses thiab lub peevxwm kawm tau txhua yam li lwm tus.

Tseemfwm Australia muaj tus kevcai pub cov neeg mob xiam oob-khab nyob tebchaws no kom lawv mus koom kev lomzem txhua yam tau nrog lawv tsev neeg thiab lawv haiv neeg, tsis txawv ntawm lwm tus pejxeem. Nws yog ib txojkev txhaum tus kevcai loj nyob hauv Australia yog hais tias ib tug neeg twg lam saib losyog cais (discriminate) ib tug neeg mob xiam oob-khab.

Qhov mob xiam oob-khab yuav ua rau kom ib tug neeg coj txawv ib tug thiab tejzaum lawv tej kev pab los ib leeg xav tau txais ib yam. Tejzaum lawv xav kom muaj neeg tuaj pab:

- Muab lawv da-dej losyog ntxuav-cev
- Kho khaub-ncaws rau lawv hnav
- Coj lawv mus pw losyog tsa lawv sawv
- Cev lus rau lawv thiab qhia kom lawv nkag siab
- Coj lawv mus yuav khoom
- Coj lawv mus koom tej kwvtij neejtsa hauv zos
- Coj lawv mus ua haujlwm losyog mus ntsib kws khomob
- Yuav cov khoom siv xwslu lub tsheb rooj wheelchair
- Tu tsev rau lawv thiab nrhiav kom lawv lub neej zoo

3. Cov kev muaj mob xiam oob-khab

Kev muaj mob hno-qauj (Intellectual disability)

Cov tibneeg muaj mob hlwb hno-qauj yog cov neeg muaj teebmeej loj uas kawm tsis tau tej yam tshiab yoojyim, tsis txawj daws teebmeem, tsis muaj cimxeeb ntev thiab hno-qab. Qhov ua rau lawv muaj tus mob yog -

- Yeej muaj tus mob thaum yug los
- Yeej muaj teebmeem thaum nyob hauv plab (xwslu, tus menyuum tsis tau txais cov cua oxygen txaus thaum tseem nyob hauv plab)
- Tau muaj mob ntau yam
- Tsis muaj zaub-mov txaus-noj losyog tsis tau txais kev khomob zoo

Cov mob xiam oob-khab lub cev (Physical Disability)

Cov tibneeg muaj mob xiam oob-khab lub cev yog cov neeg uas tsis muaj peevxwm tswj tau nws lub cev xwslu txav nws lub cev losyog taug kev losyog xa quav xa zis tsis tau. Tejzaum tus neeg ho tsis muaj tes- taw txhij-txhua. Nws muaj ntau yam ua rau kom muaj hom mob xiam oob-khab no, tej tug yug los ces yeej tsis muaj lub cev txhij-txhua, tej tug hlob tuaj ces ho raug tsheb losyog tej yam khoom nyhav tsoo losyog tau tus mob loj. Muaj ib txhia neeg ces ho mob tuag cev, tuag duav (spinal injury), tuag tes tuag taw (cerebral palsy), thiab lwmyam mob hlab-hlwb (multiple sclerosis).

Cov mob hlwb xiam oob-khab (Neurological disability)

Txojkev mob hlwb xiam oob-khab (neurological disability) yuav ua rau kom thooj hlwb khoo tsis tau cov kev txhuas-lus nrog lub cev xwslu, muaj teebmeem hais lus, kev xav thiab kev txav lub cev mus los. Muaj ib txhia neeg tau tus mob no thaum nws yug los, ib txhia tau tus mob thaum nws hlob tuaj losyog nws lub tob-hau raug tsoo sab los ntawm kev ua tsheb sib tsoo thiab lwm yam kev sib-tsoo accident.

Cov mob hlwb vwm (Mental illness)

Cov neeg mob hlwb vwm (mental illness) yuav ua rau kom lawv txojkev xav, kev coj, lub yeeb-yam thiab tus yam-ntxwv tsis mee-pem ces ua rau kom muaj teebmeem mus rau lawv lub neej thiab txojkev ua haujlwm. Tejzaum cov neeg mob hom no yuav muaj txojkev ntsoos thiab nyuab siab heev- ua rau kom lawv tsis qab-siab xav ua lub

neej losyog mus koom nrog lwm tus. Nws ua rau kom lawv tsis muaj kev sib haum xeeb nrog tsev neeg, tej chaws ua haujlwm thiab lawv lub neej.

Cov mob xiam oob-khab tsis hnov ntxhiab (Sensory Disability)

Yog cov mob ntawm ua rau neeg lag-ntseg, dig-muag losyog neeg tsis txawj hais lus.

Cov mob hlwb tomqab thaum tus neeg yug lawm (Acquired Brain Injury)

Cov mob hlwb Acquired Brain Injury yog kev ua thooj hlwb raug mob tomqab thaum tus neeg yug lawm. Yam mob hlwb no tshwm sim los ntawm kev ua tsheb sib-tsoo, kev ua kis-las losyog lwm yam accident uas tsoo raug lub tob-hau, mob hlwb brain tumour, kev haus dej haus cawv, kev haus yaj-yeeb losyog tejzaum kev siv/haus tej tshuaj lom. Tus mob hlwb Acquired Brain Injury muaj ib txhia yog cov mob tsis nyhav thiab tsiv ntev, muaj ib txhia yog cov mob nyhav heev thiab yuav mob mus tas ib sim neej.

Cov mob Hno-qauj (Autism)

Cov neeg mob hno-qauj Autism yuav muaj teebmeem txog kev hais-lus, kev kawm ntawv thiab kev ntaus phoojywg. Lawv yuav muaj teebmeem noog tsis tau txog kev hnov lus, kev saj khoom noj, kev chwv thiab kov cov khoom, tsis hnov ntxhiab/tsw-ntxhiab, tsis pom teeb ci thiab ntsia tsis pom cov xim.

4. Nrhiav kev pab thaum ntsov

Yog koj xav tias koj tus menyuum muaj cov mob xiam oob-khab no, tuaj nrhiav kev pab kho ntsov xwv thiajli yuav pab tus menyuum kom txhob ntsib teebmeem ntau rau yav thaum nws hlob tuaj.

Yog koj tuaj nrhiav kev pab ntsov, nws yuav pab tau tsev neeg kom paub txog menyuum tus mob thiab txojkev saib-xyuas zoo rau nws.

5. Nrhiav cov kev pab uas koj xav tau

Muaj ib txhia neeg mob thiab lawv tsev neeg pom tias, nws tsis yoojyim ntawm yuav nrhiav cov kev pab kom haum rawsli qhov tus neeg mob xav tau. Xub-thawj tshaj plaws, nej yuav tsum paub meej tias nej tau tus mob xiam oob-khab hom twg. Nej yuav tsum mus ntsib nej tus kws khomob kom txheeb-xyuas saib nej puas muaj mob xiam oob-khab. Nws muaj cov tsev pab services ntau lub uas muab kev txhawb pab rau cov neeg mob xiam oob-khab thiab lawv tsev neeg.

6. Yuav mus nrhiav kev pab nyob rau qhov twg?

Yog koj nyob rau xeev Queensland thiab koj losyog koj tsev neeg xav tau txais kev pab, thov hu mus tham qhia koj tus mob rau cov neeg tuav dej-num hauv lub tsev Txhawb-pab kev Mob Xiam Oob-khab (Disability Services) uas tus xovtooj yog 13 74 68.

7. Cov kev pab uas tau txhim kho tshiab rau cov mob xiam oob-khab

Nyob rau 3 lub xyoo dhau los no nws tau muaj ntau yam kev txhim kho tshiab uas coj los txhawb pab rau cov neeg muaj mob xiam oob-khab thiab lawv tsev neeg. Yog xav paub txog cov kev txhim kho tshiab, thov nkag mus xyuas hauv National Disability Insurance Scheme lub website www.ndis.gov.au losyog hu lub xovtooj 1800 800 110 mus nug tau losyog 131 450 yog koj xav kom muaj neeg txhais lus pab koj.

8. Koj puas xav tau neeg txhais lus losyog cov ntaub ntawv uas txhais ua koj yam lus?

Txhua lub chaw uas muab kev txhawb pab rau cov neeg muaj mob xiam oob-khab nyob hauv xeev Queensland yeej muaj neeg txhais lus. Koj hais tau kom lawv teem neeg txhais lus rau koj. Txojkev pab The National Disability Insurance Scheme los yeej muaj neeg txhais lus tibsi. **Cov neeg txhais lus tau txais kev qhuab-qhia kom khaws koj cov ntsiab lus zais cia tsis pub qhia rau leej twg.** Cov tsev pab Services yuav siv cov lus yooj-yim nthuav xov qhia rau koj kom nkag siab. Koj hais kom lawv muab cov ntaub ntawv txhais ua koj yam lus los tau tibsi.




9. Kev pab cev ncauj lus

Yog koj xav tau txais kev pab cev ncauj lus, koj mus cuag cov tsev pab cev ncauj lus advocacy agency kom lawv pab koj tau.

Nyob rau hauv lub xeev Queensland, koj tiv tauj tus-

AMPARO Advocacy (Brisbane)	3354 4900
Capricorn Citizen Advocacy (Rockhampton)	4922 0299
Gold Coast Advocacy	5564 0355
Independent Advocacy Townsville	4725 2505
Ipswich Regional Advocacy Service	3281 6006
Mackay Advocacy Inc	4957 8710
Queensland Advocacy Incorporated	3844 4200
Rights In Action Incorporated (Cairns)	4031 7377
Speaking Up For You (Brisbane/ Caboolture)	3255 1244
Sunshine Coast Citizen Advocacy	5442 2524
The Advocacy and Support Centre (Ipswich)	3812 7000
The Advocacy and Support Centre (Toowoomba)	4616 9700
People with Disability Australia (Bundaberg, Fraser Coast, Logan, Mt Isa, Sunshine Coast)	1800 422 015



Koj tuaj qhia tau koj cov kev tsis txaus siab.

Nco ntsoov hais tias, yog koj raug xa mus ntsib cov koomhaum organisation tabsis lawv tsis muab kev pab rau koj, koj muaj cai rovqab mus ntsib lawv dua thiab hais kom lawv muab txojkev pab kom zoo tshaj qub rau koj losyog mus qhia koj txojkev tsis txaus siab rau lawv paub.

Yog koj pom tau tias lawv coj tsis ncaj vim koj yog neeg mob xiam oob-khab losyog lwm haiv neeg uas coj txawv lawv, koj muaj cai hu lub xovtooj 1300 130 670 mus cuag xeev Queensland lub tsev the Queensland Anti-Discrimination Commission.

Tsab ntawv no yog AMPARO Advocacy Inc. ua tus tsim sau tawm. Nws tau txheeb xyuas cov ntsiab lus sau hauv no meej-pem rau thaum lub caij luam tawm, tabsis tsab ntawv no tsuas yog nthuav xov qhia txog lub ntsiab-lus me-me (general overview) xwb, tejzaum nws yuav sau tau tsis raug losyog tsis rawsli koj qhov teebmeem. Yog xav paub ntxid txog qhov teebmeem ntawm koj tus kheej, thov mus sablaj ntxiv nrog cov neeg tuav dej-num txog phab haujlwm no.

Hnub tim: Lub Yim hlis 2015



53 Prospect Road, Gaythorne, QLD 4051
PO Box 2065, Brookside Centre, QLD 4053
www.amparo.org.au info@amparo.org.au

phone 07 3354 4900
Interpreter Service 131450